

罪惟錄

二五

罪惟錄列傳卷之八上

啓運諸臣列傳總論

余嘗論漢以後功臣百難往昔有商涇遐不可稽周之黃
鉞。本穆考舊德。順風而呼。况粵征。弓矢畢事。後成未辭。還
商廷。觀兵之日。不期而集。勢有然也。公望雖兵法之祖。會當
便祕。不必盡見其能。漢以匹夫上馬。三傑而外。咸赴桓莫
倫。七十餘敗之後。終賀得鹿。智力寧淺鮮哉。而明之受命
似漢。又百難于漢。夫秦方西帝。六國心恨。歷世未久。內變
寔作。是故漢之戰秦。易而戰楚。難。明之初造。一友諒。足以
當楚。勢處英。勢與背。閱借一者。異而元之一統。且將百年。

啓運諸臣列傳上

徐達

子揮祖
歆

徐達字天德，定遠人。生農家，長身高，額赤色，個儻負大志。元至正癸巳，太祖從郭子興濠梁，籍其鄉壯士七百餘人。太祖第一，見達與語，竒之，曰：「此國器也。」已，盡上所籍，而獨留達等二十四人，俱南畧。定遠達二十有二，少太祖一歲。預志畧，能微合太祖。居數日，功未及，諸將而位鎮撫，諸將上衆亦不疑，則嘗密以天命說太祖。太祖心動，從破元滁、州，取和陽，故濠。孫德崖強來就食，子興以前都執事德崖，而太祖亦拘留德崖軍，甚迫。達請身代，脫太祖會子興卒。太

祖為大帥，達益重，出邀俞通海等水寨。玄瑩子海牙渡江，拔米石，與常遇春皆冠軍。而達獨參預進止，既渡江，請斷舟纜，縱下流，但會食搗太平。太平下，逆擊元帥陳瑄先走之。取溧陽、溧水，斷海牙扼江之援，遂擊破海牙，乘勝下集慶路。先是，命將不一，軍或事焚掠。太祖欲重建叔倂坐達，繼無法，且伏誅，而故令李善長等請力，乃免于是一軍。驚氣肅，總師鎮江，克之。走苗帥楊完者，戮平章定定，城中晏然。置淮興翼元帥府，以達領之。轉江南行樞密，同食時。周師據常州，誘我叛將陳保二，且窺金陵。達敗之于龍潭，保二初歸黃包頭軍，未歸鎮江，諸將索貨急，乃叛。太祖

以書諭達。士誠起負販，徂詐，宜先發制毘陵，以短其謀。達乃建設三覆，逼常州。周平章士德以萬人來援，兵既交，達別選鐵騎貫中堅，陳亂，士德走。遇覆，生致達康。太祖喜曰：「得是，可以無周百士誠，不以易也。」士德卒，死。達、康、達圍常州，不克。太祖奪達下一官，而賜書達曰：「震降陳保二，老師孤城，吾所以重不譽將軍。淩益精兵三萬，而新附長吳平七千，叛降周，達被圍牛塘，急常將軍援至，脫達夾擊，大破之。攻圍五月，周守將呂珍以飢遁去常州。下取馬馱沙，轉攻寧國，下之，得卒十餘萬人，馬二千匹，搜狗宜，吳塞太湖，援道，宜吳下。當是時，太祖以重兵定婺處，併力浙東諸郡。」

命達留守建康。會天完道普勝陷我池州。後進據樅陽水
寨。達選銳鼓之。普勝棄舟去。太祖乃得滿意。西向不及顧。
起拜奉國大將軍。同知樞密院事。從取無為州。夜檣浮山
寨。乘勝追下蒼山。還鎮池州。既天完陳友諒拔安慶。意
犯池州。太祖使諸達必重覆九華山。掩其後。友諒果志
銳來攻。城中伐鼓應之。常遇春伏發九華山下。斬首萬餘
級。降三千人。遇春夜坑其十之九。達不可以聞。太祖怒。縱
三百人歸。曰。此吾所不一將之過也。自是始命達盡護諸
將。漢陳友諒既陷太平。盛兵壓建康。太祖設伏。漬友諒。達
時軍南門。功最多。尋與馮國勝等進躡之。數捷。復太平。并

取安慶。走友諒江州。進營漢江之沌口。以禦漢。拜行中書省右丞。時漢平章胡廷瑞以龍興降。裨將祝宗、康泰復叛。達方西征武昌。還定之。復擊却漢之陷我江州者。從援安豐。癸卯。友諒悉衆圍洪都。召達自廬州來會。遇漢兵鄱陽湖。達先諸將蕩其前鋒。斬首千五百級。獲其巨艦一。時相持未決。太祖夜出兵符促達。還守建康。太祖既破誅友諒。歸丁未。即吳王位。置中書左右相國。正一品。時猶仍元。故尚右。而達為左相國。復從平漢。陳理于武昌。還奉命與右相國李善長推明律度。稱畫一。取廬州。走左君弼。下安豐。乃徇漢地。湖湘南北之未下者。召還。率諸將討周士誠。取

秦州鎮之。分兵徇興化。會周師犯宜。與急以都督馮國勝
代圍高郵。常遇春軍海安。而達旋師。勤宜與圍解。則國勝
亦下高郵。達進攻淮安。降其守將梅思祖。并下徐宿。乘勢
克元安豐。獲右丞忻都。復破擴廓帖木兒于徐州。俘斬萬
計。淮南北悉平。丙午。議平吳。達曰。張氏慮短而汰深。居其
丞相驕。李伯昇等。醜子女。吳中語曰。黃蔡葉。西風起。乾癟。
以言迂濶。書生三工。迷罔以寵。旦夕。即何能久。臣行馬箠
下之。太祖壯其計。以達為大將軍。遇春副之。率師二十萬。
禡于龍江。自太湖募吳兵。鏖戰皂林舊館。語在張士誠傳。
自八月迄十一月。大小數十戰。吳兵力屈。援絕。呂珍以舊

館六萬人降。吳興下進攻平江。時杭州嘉興已盡來附。士
誠益寡。援達築長圍十圍之。吳兵數挑戰皆敗去。達使
之。建康請事太祖。書勞之。示以便宜。達定松江諸屬邑
皆聞風下。元樞密院莫天祐獨為士誠守無錫。相應援。其
部將楊茂善羽。數從水中消息。達邀得。厚賞之。以為間。因
盡識城中虛實。攻益急。凡十閱月。達乃破葑門。檻士誠
送建康。城中食寢。立而如。故班師。封信國公。遂議北伐。改
官尚左。相國為左丞相。達為右丞相。拜征南大將軍。以鄂
國公副之。諭曰。征伐所以奉天命。平禍亂。安生民。今諸將
非不武鬪。然能持重。師有紀律。戰勝攻取。莫如大將軍達。

大將軍至淮下沂州戮其帥王宣太祖復馳諭大將軍即
何向益都則必率兵扼黃河斷其援即不向益都西取
濟南濟寧便吾現金火二星會于此分須之火逐金諭齊
魯以時進取毋失達乃圍益都降其平章老保狗漣膠壽
光臨淄等諸州邑因兵威諭降樂安淄川守將移兵下東
平進次安山獲元右丞杜天祐等元山東宣慰使普顏不
花捍城力城破達賢而召之不辱死逼濟南走其大帥陳
平章明年戊申與副將軍合取東昌元守臣申榮甫死之
敗元少保也速兵追奔八十餘里籍山東城邑俘獲軍室
之數以聞時太祖已即大位達兼領太子少傅授銀青榮

祿大夫上柱國錄軍國重事丞相公少傅如故予誥所以
推揚勲略甚至比之大公鄧禹云兵至陳橋汴梁守將李
克彞語左君弼公昔與南師角勝今悉麾下授公能一決
乎君弼吃舌曰有相國者善用兵吾反走矣克彞遂開門
北去而君弼竹昌以汴梁降進畧洛陽元將詹同脫因木
兒以兵五萬逆拒洛水之北副將軍突斬其前鋒達麾兵
乘之南風驟發塵起呼聲動天地元兵潰停斬無算梁王
阿魯溫徙吏民出降河南平分遣狗貴陝州西克潼關守
之狗號州毛葫蘆諸寨收其兵帝幸汴梁達自軍謁行在
帝置酒勞之且曰河朔士民恐倒懸以待將軍達曰旦發

矣。臣不難走元主塞外。臣有厚望。使得窮跡之。不為異日。憂帝不然曰。世祖之運。凌夷已盡。但因北門母事。窮兵克城之日。慎勿焚掠。元之宗戚。皆善待之。達敬諾。行次河陰。帝畫陣圖以賜。進取衛輝。彰德。廣平。駐臨清。諸將畢會。遣叅政傅友德開陸道。通步騎。都督碩時濟河。通舟師。下德州。取長蘆。滄州。擣直沽。據之。作浮梁。濟師。元丞相也。連不戰走。次河西務。敗其平章俺克等。與遇春夾河而軍。鹵元國公卜顏帖木兒等入通州。元都大震。夜三鼓。元主及其后妃太子開建德門。以車服重宝北去。踰五日。八月辛未。達進師填濠。登齊化北門。執其監國。淮王帖木兒不花及

太尉左丞相慶童等十餘僇之封府庫籍其圖書金玉楮幣以兵千人守之使宦者監護其宮人妃主經理城垣巡邏諸隘口立燕山六衛孫吳相總之以固北平捷聞詔達與遇春移定山西副將軍以兵下保定及河間真定右副將軍馮宇異克淮慶度太行取澤潞大將軍以大兵繼之右丞顯叅政友德以鐵騎為前鋒畧平定州而北元擴廓方自保安謀踰居庸關以撼北平達謂諸將吾北平六衛之師足以閉關自捍無慮吾直搗太原此孫子故智也擴廓急還救達以副將軍計夜掩其壘擴廓驚以十八人遁去遂入太原得卒四萬馬萬匹棄勝過大同擴廓復走耳

肅。于是顯友德步騎徵破賀宗哲于石州。而大將軍身率
兵自霍下平陽河州。山西悉平。渡河降郿城克同州。時奉
元為都督而鳳翔與鹿臺各宿重兵為衛。達至鹿臺元將
張思道與脫列伯等先期遁慶陽。達進寢涇渭。遣左丞周
凱入奉元。申約束。秦民大悅。改奉元路為西安府。而副將
軍逼鳳翔。守將李思齊走臨洮。鳳翔下。諸將謀所攻。皆以
張思道才不如李思齊。慶陽易于臨洮。請先慶陽。達曰。思
道自守固。城險而兵精。卒未易拔。臨洮北界河湟。西控羌
夷。地富而人衆。疾以大兵蹙之。思齊不走則降。思齊降。全
陝我有矣。急渡隴。克秦州。走其將呂德等。抵鞏昌。總帥汪

突真保降。乃遣馮將軍以天策羽林諸衛驍騎逼臨洮。思齊不戰降。得其衆十餘萬。進攻靖寧。走知院杜伯。卜哈度六盤山。襲走元豫王。盡獲其部。落輜重。使上諭慶陽。思道果懼。馮其弟良臣留守。而身從輕騎。逃之寧夏。為攝。廓兵所執。良臣聞之。遽使。納款。先是。帝手詔張思道兄弟。請詐若其未歸。宜善防之。至是。連遣右丞顯率萬人受降。良臣果疑。以兵來者。豈其捕誅我。乃佯為蒲伏道左。獻牛酒。而夜襲顯。上被傷。走連怒。悉軍圍慶陽。盡屠壯士。盡捕斬其伏聽。及請援者。至採汲皆斫。良臣計竭。登城請降。不許。其平章姚暉開門納降。良臣父子自投井出。而斬之。陝西

悉平詔還京宴功臣。連坐上坐。帝稱其震揚國威。無綏得
辭。且大論封會。擴廓伺連還。悉兵襲我蘭州。時副將軍遇
春已卒。帝乃還連大將軍印。以平章改事李文忠為副將
軍。分兵為二。連自潼關出西道。搗定西。隔深溝而壘。擴廓
以精兵間道潛劫東南壘。胡德濟一軍驚幾敗。連身擊之。
之德濟故越公大海子也。連械送京師而斬其部。下指揮
數人以殉。明日奪溝大破之。獲元郊王濟王。闊國公平章
札兒。虎林赤等。文武僚屬八百六十餘人。士卒八萬四
千五百餘人。馬萬五千三百匹。擴廓乃與其妻從十餘騎
遁去。阻黃河。得浮木以濟。由寧夏奔和林。連使節將軍回

兵威。脇降。西蕃。而大軍攻吳元。復取之。會李平章亦克魯。先後。塞布。聞。授。達。開。國。輔。運。推。誠。宣。力。武。臣。特。進。光。祿。大夫。左。柱。國。太。傅。中。書。右。丞。相。祭。軍。國。事。進。爵。魏。國。公。歲。祿。五千石。予。誥。券。免。三。死。子。免。二。死。仍。世。七。弗。絕。是。歲。辭。刑。省事。石。丞。相。汪。廣。洋。代。之。明年。復。佩。大。將。軍。印。鎮。北。平。以便。宣。徙。山。後。順。寧。等。處。軍。民。戶。三。萬。五。千。八。百。口。一。十九。萬。七。千。餘。籍。為。軍。者。給。月。廩。為。民。者。給。牛。以。耕。凡。置。屯。二百。五。十四。定。墾。田。一。千。三。百。四。十三。頃。北。平。軍。府。之。用。皆。賴。之。受。詔。還。京。宴。射。為。樂。賜。交。趾。弓。五。十。彤。弓。十。達。受。賜。曰。帝。不。忘。殘。胡。美。自。日。果。以。擴。廓。未。死。命。大。將。軍。出。中。路。

左副將軍文忠出東路，征西將軍勝出西路，各將五萬騎出塞。達以都督藍玉為前鋒，敗擴廓游騎于野馬川，復敗之土刺河。擴廓走賀宇哲嶺北，合兵拒我師。時師數發，視恐易鹵，戰不利，死者萬餘人。達因壘而收之，頌徹侯功。臣無死者，鹵亦不敢入塞。時諸將軍賞皆不行。帝以達功大弗聞也。自是達歲出鎮北平，鹵憚，希復犯。十四年，故元平章乃兒不花出復寇。達仍以大將軍出征，右副將軍友德輕騎襲灰山，克之，盡獲其部。畧人畜，西平侯沐英等獲金寧四部以歸，渡鎮北平，召還，賜休沐宴，見歡飲。若兄弟而達愈恭。謹帝從容謂親，因功大，未有寧止，欲以舊邸賜。

之達固謝乃殽醉達酒昇卧即止寢達寤驚蒲伏呼死罪
帝益恚則另治甲第表其坊曰大功長女尚燕王帝愛
子也有三子皆達女出親為王舅與天子喪革然見王必
執臣礼勿間王常得其用兵法所練士皆選大率多為靖
難之材左丞相胡惟庸貪而貪嘗內好達曰不答復賂達
間者福壽使為間以圖達福壽發之達隱之不問則間緣
頗為上言惟庸不可過任惟庸敗上以是益重達十七年
太陰數犯上將帝惡之冬達疽發背召還金陵上為禱於
山川社稷之神願假大將軍息數歲以寧百姓至云願與
同歸竟不起年五十有四上既奔達寢撫屍而慟為輟朝

贈中山王。謚武寧。追封三代。皆為王。而手書其混一區夏。奠安神人之功於墓道。且曰。王婦女無所愛。財寶無所取。忠志無疵。光昭天日。自連卒。上所授大將軍印。獨宋國馮勝涼國藍玉。潁川傅友德。三人而思。遇咸不如。達慮精而言簡。令出不二。諸將奉之若神明。而善撫循其下。同其苦。以恩結降人為我用。歸朝。上符印單車垂橐。以還。即舍親禮儒生。樂聞經術古事。功臣廟典太廟。配享位皆第一。連子四。輝祖。添福。增壽。膺緒。添福。蚤卒。輝祖初名允恭。白晳秀眉目。長身。預盼有威神。洪武二十一年。嗣爵魏國公。賜第鳳陽。以皇太孫。嬖名。賜今名。時諸將皆去。特以材品。

頗見信用、數出練兵諸省、降將阿魯帖木兒隸燕府、有異志、密奉詔與王合策捕誅之、還領中府、同禮部翰林官甄別國子師生送吏部、侍懿文皇太子講讀、通經史、學書于詹希原、提督武學、與駙馬都尉梅殷、校戈講藝、一時風動、建文中、兼太子太傅、時諸藩強盛、議削奪、輝祖亦預謀進止、初、高皇遺詔諸王各臨本國、獨燕王不從、入臨、至淮、輝祖特奉勅阻歸、明年、小祥、王入朝、行皇道被勅、不問、詔留世子兩郡、王不遣、王固請、召輝祖及弟增壽、議之、輝祖堅執、不可遣、且密奏高煦、好勇無賴、不忠、為他日患、請收之、而增壽以百口保之、獲免、已高煦竊輝祖善馬、逃之、因輝

祖遜以聞請追之。增壽又與駙馬王寧力為庇。并世子及
高燧咸遣歸。燕謀起兵。數請問于輝祖。輝祖不奪。及北禦
嘗援何福于齊眉山。斬燕驍將千戶李斌等。燕師退。自保
會有言輝祖以王故。戰不力。亟召還。由是諸將咸戰。敗增
壽。內應燕兵。趣渡江。輝祖猶與開國常景分道出戰。甚力
衆潰。不可支。燕王入城。獨守宗廟。不肯迎。王既即位。廷臣
論勅。令自陳狀。輝祖拔筆直書。中山王開國功子孫免死。
上之。文皇大怒。欲與齊黃輩並誅。以念中山功。奪爵。錮私
第。尋下獄。五年卒。或曰。勒自裁。十八年。以后思召其長子
釋伽保。賜名欽。襲爵。盡還券誥。明年來朝。乞守父墓。不待

命去上恨之復削爵徙鳳陽洪熙中復爵尋卒子顯宗嗣
無子弟承宗嗣屢領軍府提督南京守備加太子太傅矜
嚴有威練達政体卒子備嗣凡再督南京守備持重善為
客士民亟稱之加太子太傅卒贈太傅謚莊靖長子奎璧
未嗣奎璧子鵬舉嗣鵬舉之生也備夢來鄂岳飛入其室
故名溫厚稱長者凡三領軍府督守備加太子太保已而
立其妾為夫人欲以其子邦寧為嫡事格不行立其庶長
子邦瑞為嗣凡五十二年以病辭自顯宗嗣而高祖孝陵
在編京者以懿威世上奉祀太宗初即位以一中宰告中
山王其後因之增壽以父任三遷至左軍左都督侍宿衛

建文物業已殞燕王陰事、燕王故時亡從增壽所訶虛寔、
增壽亦時亡從王所輸上未及問、而燕師從金川門入立
召增壽詰之不能對上親揮劍腰斬之燕王入撫屍而哭
既即位贈武陽侯加贈定國公子景昌嗣歲祿二千五百
石久之領軍府卒子顯忠嗣卒子永寧幼又七年而嗣疾
失心予半楮罷朝請病二十六年卒子光祚嗣久之領軍
府以神宇東宮舊息超進太傅旋以監脩武庫二朝寔錄
成累加太師兼太子太師卒子延德嗣領軍府四十五年
卒子文璧嗣領軍府加太保太傅嘉靖中詔裁恩澤世封
而魏定二公皆自以功弗奪有言定公功不稱者卒弗奪

也。天下僅五公存。達後君二焉。幼子膺緒，初為尚室，卿歷
遷中軍都督僉事，奉朝請，永樂中，以元舅見尊寵。洪熙初，
拜其子景珩中軍都督僉事，景璿金吾前衛指揮僉事，其
二女皆為王妃。弘光初，追贈輝祖太師，謚忠貞。

論曰：中山之遇太祖，總二十二耳。未有智計過人，足自
絕。輒許國器，而位諸將上。諸將亦願下達不疑，卒能滌
盪南北，抗功名第一。于初見教語，良不負。太祖知人哉。
世皆知劉青田、陶當塗、密陳天命，而不知中山之微
合太祖，誠以王佐自命也矣。恭謹卒無過，為用兵所最
難。雖廟畫至精，而神明其用，必無已成復敗，煩再舉者。

震揚國威。撫綏得體。此二語良不誣也。且其所以處左
丞。惟庸大過。李韓國絕通好。不入其所。冀頌能隱之不
發。緩頰言上。卒免古劍玉壺之疑。居功之美。直追古元
公矣。至于論元君北去。曰不窮追。必為浚日憂。而太祖
不許。似不及達一籌。願太祖慮中原初定。倘預刃塞外
無以百全。而達知兵。乘勝摧拉。其勢易于他日。教倍未
幾。帝命一再出塞。不皆全捷。則誠職此之故。觀嶺北不
利。死者萬人。帝不罪達。誠內念不任。達初策非曲。貸達
也。身初造。而子再造。其所以困大命者。達家獨多。帝骨
肉之故。因以成王骨肉之故。達再世忠孝節義。諸子女

器○之○遺○烈○也○
兄○弟○以○照○耀○千○古○不○衰○卒○之○而○崇○封○與○國○終○始○曰○此○國○

常遇春

子昇
趙諒

常遇春字伯仁，懷遠人。長身白皙，膽力絕，猿臂善射，從群盜劉聚，好鹵掠，心輕之。屬太祖駐兵和州，偕其私卒數十人來歸，卧道傍，夢神人金甲擁盾呼曰：「起起而公來。」而太祖騎從至，驚寤，前伏謁。居兩月，無所見，自請為先鋒。太祖曰：「爾饑寒，乃有故主在矣。」遇春頓首曰：「臣死不從劉聚為諸兒。」太祖故弗許，曰：「即渡江有太平，而後臣我及兵抵牛渚，元兵陣磯上，舟相去三丈許，矢刃接，莫敢登。」太祖麾遇春前，應聲接敵，戈躍而上，敵為披靡。采石軍皆潰，乘勝取太平。始授總管府先鋒，進總管。時元將董子海牙擁舟

師數萬，襲陵、承石、浙、滁、和、閩。太祖使張疑兵，分其應。親帥正兵，搗之。陳旣合，遇春猝橫冒海牙舟，匕分為三。左右縱擊，大破之。自是元師不敢犯江。而南北通，兩申從。取元集慶路，再從徐達，取鎮江。援達牛塘，再捷。進總軍。大元帥丁酉，克常州。尋從下寧國，取馬駝沙，下池州。戰功最，歷行中書省都督。馬步水軍大元帥。時池州羅友賢，初以衆納款。渡叛，據神山寨，遇春破斬之。從太祖取婺州，攻下衢州。降元院判張斌，進僉樞密院事。攻杭州，不利，召還。從徐達，援安慶。帝令設伏九華山，大破天完師，降其卒三千人。遇春曰：不盡是不威。達曰：震降未武也。以狀聞。太祖報使者天

下戰方始。宜善所乘之。則遇春已坑其十之九。于是縱三百人歸。而一將權于達。已漢交諒大寇龍灣。太祖設奇大破之。遇春功最。太祖追漢交諒于江州。遇春留守。用法嚴。軍民歛肅。辛丑。進行省參知政事。渡後。太祖盛友諒于安慶。取江州。還督龍灣師。解長興之圍。城安慶。太祖所任將帥最著者。平章即榮。右丞徐達。與遇春而三。榮最為宿舊。善戰。既貴。益驕。謀異。伏甲而劫太祖。事覺。太祖猶語諸將。吾曲。不欲殺榮。衆唯諾。遇春直前曰。人臣以死名。遇春諷。不與俱生。太祖乃飲樂酒。酒涕而傷之。以是心益愛重。遇春。癸卯。周呂珍圍宋。劉福通于安豐。城破。斬福通。連營。

水陸衆二十萬。我汪元帥為先鋒，拔其中壘而據之。會左
右軍敗，中壘軍阻整，不得出，則殊死鬪。遇春以精騎突其
脅，凡三合三勝。中壘軍完，遂逼安豐。從右丞達逆擊其援
元將左君弼，破之。移薄廬州。而漢友諒傾其國兵，號六十
萬，東爭南昌。太祖趨解廬州之師以應。遇漢兵鄱陽之康
郎，漢太尉張瑄邊邊前犯太祖舟，上適膠淺，事迫。遇春奮
救，射定邊。中之稍解去。明日，從火焚漢舟數十里。連戰三
日，友諒之奔死者過半，而我兵所亡失亦不少。諸將氣稍
奪，欲縱交諒去。遇春獨不言。太祖悟，乃移舟扼江上流。凡
旬五日，友諒中流矢死。策勲以遇春及廖永忠俞通海為

最丁未、太祖即吳王位、淩從王討漢陳理于武昌、圍南合、其丞相弟張必先將驍騎自岳來援、遇春以五千騎逆擊、破擒之。理窘、開門降。進遇春中書平章政事。尋從徐達取廬州、始別將兵畧定臨江之沙坑等寨。遂定贛州。漢將熊天瑞降。下南安、雒、韶州諸路。師還、取安陸、襄陽。丙午、淩從徐達克秦州、尋克高郵、狗淮安、徐宿安、豐、悉下之。廷議平吳。遇春奮袂曰：「臣聞逐梟者必覆其巢、去鼠者必燻其穴。吾使一蹴姑蘇、即何煩他兵？」王曰：「吾意剪其羽翼、先吳與遇春張目、執前議。」上曰：「收吳與不克、吾任之。失利姑蘇、問罪收矣。」遂副大將達趨吳與。凡數捷。飛車戰艦、高與睥睨。

齊吳右丞張天麒出三路逆我師術者誠此日忌兵遇春
按劍謾罵曰兩軍相撞卜吉哉奮攻其南路拔之士誠乃
掃境內之兵來援築壘舊館壓我師之背遇春率奇兵營
東所却壓其背絕吳餉道突划船數百擒吳將徐志堅于
東阡凌襲破援兵赤龍舡于烏鎮再戰追至昇山舊館之
師降者六萬而湖州下道圍平江激驍將王弼厄士誠沙
盆潭凡十閱月遇春破閭門縛士誠以歸時李善長徐達
已為左右相國不能渡置相乃以遇春為平章軍國重事
進封鄂國公祿秩與相國等旋議北伐遇春請直搗元都
執孱主以臨天下王曰壯哉而昔所畫下平江策也吾欲

先取青兗及豫。撤其屏。拔潼關而守之。天下形勢在我。燕
不戰屈也。乃以遇春為征鹵副將軍。與大將軍達率步騎
二十五萬。王親禡于龍江。告諭諸將。當百萬之衆。推鋒陷
陣。所向披靡。無如副將軍遇春。吾欲重遇春。前在武昌。常
以身赴數騎。輕非所望于副將軍。戊申。吳王即皇帝位。進
遇春銀青榮祿大夫。上柱國。領太子少保。遂與大將軍畧
定山東諸郡。破汴梁。走其帥李景昌。進攻河南。元脫目帖
木兒將兵五萬。陣洛水之北。遇春單騎乘其陣。敵以駭二
十騎併遇春。遇春發一矢。洞前騎。大呼入。盡殺二十騎。敵
大潰。河南下。帝為幸汴梁。勞之。去。與大將軍再定河北。進

通大都元主北走移兵狗太原元太傅河南王擴廓帖木
兒自保安還師來援遇春語大將軍我步卒未集敵鋒銳
勿與正決不如夜劫之會元部將豁鼻馬叛擴廓來降詣
內庭因嘶放乘月馳襲之擴廓方高燭擁坐于目自募畫
狎驚不知所為跌一足奪驛馬以十八人走大同太原下
改遇春為左副將軍居右副將軍馮宗異上出塞取大同
轉狗河東西渡關下奉元路遂與宗異合西逼鳳翔其平
章李思齊率所部十餘萬奔臨洮鳳翔下會元主在開平
令丞相也達以兵深入寇通州詔遇春東馳故元都部署
將士以浙江行省平章李文忠副之遂出三河敗其將江

文清于錦州次全寧與也速過凌敗之進大興州分千騎
為八覆徼大興歸奉復大敗之擒元丞相脫火赤遂薄開
平元主前走追北數百里俘其守王慶生平章昂住等斬
之凡得將士萬人子女貨寶稱是師還次柳河川得疾卒
年僅四十上震悼親出奠龍江為文叙其功甚詳己大慟
始命有司制闢大臣計用宋太宗為韓王趙普舉哀禮擇
葬鍾山之陰明器易靈凡九十皆官給特贈朔運雅誠宣
德靖遠功臣開府儀同三司上柱國太保中書右丞相追
封開平王謚忠武凌推恩王其三代皆賜謚長女許為王
太子妃明年論功賜金帛與大將軍等予誥券配享廟廷

及祠功臣。廟皆次大將軍為第二。遇春為人沈鷲果毅。撫士卒與同甘苦。故皆樂為用。出則摧鋒。退則殿後。未嘗敗北。雖不習書史。而用兵決勝。與古人合。年長于大將軍二歲。數從征伐。奉節制。進止。赴期。不敢爽毫髮。大將軍雅亦敬愛之。終始無少間。及秉鉞專征。又能節制將較。所向克捷。獨性稍好殺。而淫。以此不能比大將軍。子三茂。昇。森。茂弱。寇襲父。封改鄭國公。從婦翁宋國馮勝北征。納哈出。茂素貴驕。不練事。念諸徹侯位其下。皆得有偏裨任。茂獨不得。偏裨任。邑。不樂。宋國見子畜之。會納哈出請降。石副將軍藍玉往迎之。讓酒與衣。未決。茂輒前搏納哈出。驚。久

之降勝乃訟茂幾激變用以自功詔即軍械至京茂亦列
上勝負淫諸不法帝乃收宋國公大將軍印謫茂龍州土
官趙點堅慕茂家世納一女茂為妾茂欲繼妾母王擅州
事嗣與他土彞爭為所發茂聞之自鳩死帝以定不死大
發兵窮索茂不可得茂弟昇以二十二年改封開國公加
太子太保建文中頗用事忠謹能盡職以抗燕師得罪燕
王安置雲南之臨安洪熙初召賜鈔幣尋遣還開平王長
女為皇太子妃實生讓皇帝昇又在事無二心故終不得
復封久之卒子繼祖生寧寧生復弘治中錄六王浚得拜
南京錦衣指揮使四傳玄振嘉靖中繼絕世封懷遠侯號

為開國輔運推誠宣力武臣階特進榮祿大夫勲柱國歲
祿千石趙諒者鄂國公外孫其母與孝康皇后兄弟也建
文中以右衛指揮僉事往奉密命往來諸軍中燕即位
生廢死

論曰劉張豈能有開平哉非金甲起一忠武故自仗策
和陽麾下也太祖厲其鋒固不納于是牛渚為第一捷
而開平分數已次大將軍達曰達副唐降九華時碩未一
將權于達也達以聞而開平不恨達帝又善其鋒弗罪
知帝之用開平有權焉于是出必副大將軍廟笑不自
制開平以武寧制開平而卒奉節制進退赴期會不爽

知武寧之于開平。亦有權以善之矣。策平吳與北伐。氣可立碎。諸堅而同于故林。兒一往不返之計。太祖所以諄副將軍勿輕也。古直走魏都。亂其內。願耳。敵于所必救。所以勇敢。所以一敵。所以繕敵。蕪而不收。此倖道也。何如得寸得尺。積不技。以幾之哉。子昇抗燕。與中山之子輝祖比烈。茂即不令去。增壽遠矣。按逆臣錄。謂藍玉死。昇以玉其甥。故約金寧侯孫恪。美兵報復。罪死。未常及抗燕。安置雲南事。而後懷遠侯延齡疏稱。昇子繼祖。安真雲南。則抗燕係繼祖所為無疑。或云茂為他土。莫所許。方有與出。有一客突犯道。出片紙懷中。賜死詔也。

李文忠

李文忠字思本，泗之盱眙人。父隴西恭獻王貞母曹國公主，太祖長姊也。貞世農家，著醇謹。公主歸之，生文忠，小字保兒。甫十二而公主薨，時淮南北盜起，貞携保兒東西走鋒鏑，幾蹈不能活。太祖起兵滁陽，甲午來歸，時太祖出人力，所徙材少年皆賜姓，以為見得保兒更喜，且使從從子文正行，名朱文忠。受書外傳，開習兵法。上嘗出其所著撰傳示幕僚，曰：即以文忠應太平對策。吾家鄉士才，顧無賴。此時丁酉，年十九，以舍人從軍，策應池州，破天完，陳友諒、驍勇冠諸軍，隨取青陽、石埭、旌德諸縣，敗元樞密阿魯

灰于淳安。復敗苗軍于於潛昌化。時伍士多飽而溢。文忠夜獨起潛。盡殺所獲婦女。而焚其輜重。明日諭軍中公。且戰。加吾當為公更作家象。警奉法。襲破元洪元帥營。降其象千餘。取嚴州。超帳前總制親兵左副都指揮。兼領元帥府事。鎮之。周士誠水陸數萬。奄至文忠。一戰敗其陸軍。浮所截中流。奮其水軍。水軍亦夜遁去。已亥。進克周諸暨。義門鄭氏君山谷。扶寧其家。會苗帥楊完者為士誠所殺。其將秦不花。將英等以三萬餘人赴款。文忠奉命撫之。敗周兵于碧溪塢。又敗之胥口。遣將克分水。陞同僉行樞密院事。辛丑。授廣信鹵漢將李明道。因間王溥。以漢建昌降。代

叅政胡大海分省事金華。壬寅，故降苗蔣英等反金華。賊殺大海。文忠疾，以兵馳赴蘭溪。賊南走，金華定。而降苗李佑之等亦反。慶州耿再成遇害。文忠令屯兵縉雲，遏其侵軼。慶州亦旋定。進浙江行省左丞。總嚴衢信處各衛軍，開省嚴州。而周士誠乘間以兵十萬困謝再興于諸全。文忠顧嚴卒寡，且急桐廬衝，不足援。暗檄信州胡德濟使東，而詭流榜義烏之古樸嶺曰：「平章邵榮兵五萬定嚴州，還右丞徐達亦五萬出徽州。」尅日會諸全壁。周將呂珍果驚謀，退營五里。德濟曰：「賊虛可仆也。」夜半蓐食，開門突金鼓，敵陳亂，追擊大敗之。爭渡，溺死無算。癸卯，諸全叛，引周師寇。

東陽文忠既嚴堵五指山而自以精兵日馳一百六十里大敗之于義烏是時文忠處兩反側間又嚴巨敵數殊戰最繁難而繕甲練兵示以鎮靜屹不動太祖無東顧憂既失諸全用胡深議築戍五指山下踞新城為固尋吳司徒李明昇以兵十六萬圍城不克去乙巳復以二十萬來攻而別兵趨釣臺抗嚴州以分新城之勢文忠既分遣別路出江浦為聲援而舟師過釣臺先鋒謝佑過伏敗衆遂懼文忠意氣舒詳身率朱亮祖等赴援德濟新城去十里壁龍潭議者欲小避敵銳俟大軍文忠曰兵以無形震苟一項不可復矣更約誓其軍且曰吾以整乘共奮無不下賢

仗山嶺，爾有也。不如令視軍法。時天方重霧，忽開朗，說下。令此時出戰。吉麾軍前，而文忠別以鉄騎數十，乘高下出。敵後抵中堅，左右所向草靡，敵亂自蹂。我兵盡合，則動地。呼斬首數萬級，溪水盡赤，俘七百餘人。委棄亘數十里。進右丞。丙午，總水陸師下吳江浙，克桐廬，富陽新城叛將謝再興、五子閉餘杭，固守合圍，一夕下之。吳潘原明乃遣其屬方彛以杭州請款。文忠曰：兵未交而遽請，即無他。且緩我。彛內作文忠故，示不疑。引彛入卧内，進酒歡如平生。使授約束。旦日，原明意決，封府庫，奉圖籍，執叛將蔣英等出降。乃以女樂導文忠入。文忠麾却之。令曰：擅入民舍，殊死。

一卒乞民釜為爨。立牒以狗。即加榮祿大夫行省平章政事。復李姓。請減杭田租。增額從之。洪武元年戊申。推恩封父貞思親侯。帝念曹國公主薨久。獨貞在。宴見不以時。每有征行。輒令守宮省。時元將陳友定故部金子陵叛。陷將樂。文忠奉命討平之。還為偏將軍。副開平王遇春北伐。由遵化渡鹿兒嶺。連勝進薄上都。克之。走元主。獲其士馬萬計。語在開平王傳。開平王卒于軍。詔文忠代之。西與大將軍合攻慶陽。半道聞慶陽下。而元東攻大同急。文忠欲使宜東接。或以未奉明詔。文忠按劍叱曰。大將專閫外而抗令者。斬。遂出雁門。次馬邑。敗其邏騎數千。擒元平章劉帖

本進次白楊。再捷時天雨雪。引數騎入峴山。伏而前軍去
鹵五十里。而營文忠驚馳。令移壁前五里。阻水。盛為脩。元
將脫列伯果夜却放突壁。上堅不可動。質明。鹵益大至。文
忠計以二營委鹵。俾死決自辰至申。度其饑疲。更出精兵
左右翼親為前鋒。冒之斬首鹵萬餘人。縛脫列伯歸。窮追
至莽哥倉而還。論功當大將軍之半。三年進征鹵左副將
軍。與大將軍分道北伐。文忠以十萬人出野狐嶺。至察罕
腦兒。擒其平章祝貞。敗太尉蠻子。平章沙不兒。朶兒只八
刺。進次開平。獲平章上都罕。時順帝已殂。應昌太子愛猷
識里達臘自立。文忠兼程進。盡殺其候騎。猝圍應昌。一日

拔之太子走。獲太子子買的里八剌及后妃宮人。暨諸王省院達官將吏等。駝馬牛羊無算。并獲宋元玉璽金寶十五。玉冊二。鎮圭大圭玉帶玉斧各一。選精騎窮追至北慶州。不及而還。道興州。酋江唐二回公降。其兵民三萬七千。至紅螺山。降楊思祖兵民萬六千。班師。表平沙漠。大封功臣。授開國輔運推誠宣力武臣。特進榮祿大夫。右柱國。大。都督府左都督。曹回公。同知軍國事。食祿三千石。與券。尋。碩都督府裏父貞。推恩。特進。稱公。四年。鎮撫成都。還。凌。以。征。鹵。前。將。軍。並。大。將。軍。北。伐。總。東。道。搗。應。昌。進。可。溫。河。至。哈。刺。莽。來。鹵。先。遁。文。忠。曰。千。里。襲。人。若。負。重。遲。而。露。不。得。

戰。遂留輜重。驢。駒。河。而。人。持。二十。日。乾。糗。蕪。程。進。至。土。刺。河。元。太。師。哈。刺。張。奕。子。遣。妻。子。北。去。悉。衆。渡。河。嚴。騎。以。待。兵。接。文。忠。戰。小。怯。坐。馬。中。流。矢。逆。走。則。棄。馬。短。兵。步。撞。從。者。劉。義。以。身。前。突。為。衛。指。揮。李。榮。脫。所。乘。馬。乘。文。忠。而。身。奮。奪。坐。鹵。馬。左。右。文。忠。得。馳。麾。兵。殊。死。戰。鹵。敗。北。躡。弱。海。已。而。敵。益。至。遂。壁。險。示。弱。以。嘗。鹵。散。牛。馬。于。野。多。設。火。為。疑。兵。敵。果。惑。稍。引。去。得。解。還。失。故。道。軍。中。乏。水。多。渴。死。大。窘。文。忠。出。哥。兒。麻。思。尋。水。麻。不。得。忽。所。坐。馬。地。坎。坎。尺。咫。有。水。爭。濬。之。得。泉。以。活。軍。以。為。神。是。役。號。為。全。軍。而。所。失。多。不。足。償。顧。大。將。軍。之。出。中。路。者。竟。敗。賞。不。行。

癸丑、復與大將軍行邊、屯朔州、明年、總兵北伐、駐代、遣將分道出捕鹵、俘其平章陳安禮于三不刺、斬知院珍珠壘于順寧、又破大寧、鴻州、斬其宗王朵三、失理、至鄴州、追斬魯王鹵益遠、避丁巳、還、視師營陽、明年、父貞薨、贈隴西王、己未、理軍洮河、岷鞏、置洮州衛、召還、與李善長、通知中書省、大都督府、御史臺事、又詔大事皆取裁、二公、尋、中書省草文忠特奏軍國大計、幾如大將軍、兼、領國子監事、文忠與大將軍皆折節經義、進儒生講說、彬曰、文忠尤歸文采、嘗以門下客言勸帝少誅戮、世太盛宦者、視天子不近刑人之義、胡惟庸之死、或謂且通日本、帝欲興師海外、文忠

又諫帝曰、以儒生家言、安得出鄉口、使人盡殺其客、以是
忤旨、病悸不治、上幸其第撫之、癸亥三月卒、年四十四、有
贈岐陽王謚武靖、侑享太廟、文忠器識沈閱、莫測其際、臨
陳蹈勵峻、遇大敵、胆氣益壯、好學、飾行、釋兵家居、彬、
若儒者、嘗師金華范祖幹、胡翰、講明性理之學、詩詞皆壯
偉可觀、而用兵嘗以所從客李普、溫策、取勝、有三子、景
隆、增枝、芳英、景隆襲爵、予誥有云、姊子李文忠、非智非謙、
幾累社稷、爾慎鑒前轍、永服朕訓、蓋疑景隆之異日者深
也、建文中、增枝以功積遷、至左都督府、弟芳英亦積功、初
為中都留守、晉都督同知、永樂二年、景隆坐罪、連增枝、

並繫獲免。景隆字九江載。叛逆。目錄中少奉父教。嘗与天

台方孝孺林右輩交多習典故。好談兵。既襲爵。分鎮要害。

掌左軍都督府。加太子太傅。建文中。進太子太師。益以肺

腑見親任。時朝廷謀弱。同姓且及燕。而燕兵起。長興侯耿

炳文。武定侯郭英等。前後北征。大敗。兵部尚書齊泰。太常

寺卿黃子澄。才景隆而薦之。詔景隆為征酋將軍。總師北

伐。用裴度故事。天子為推輪。親送江浙。得便宜誅賞。時諸

宿將鮮存者。雖存亦以老。又皆諸父。行快。不肯為之下。

而景隆暴得意。自尊大。每升帳。踞高坐。毋敢與抗。禮會兵

五十萬於德州。兼燕王北出。攻大寧。進薄北平。築壘九門。

燕王還師自救景隆逆戰大敗死者十餘萬明日九門師
皆潰死者復萬數再戰鄭村壩皆敗匿不聞燕王復攻大
同景隆引兵出紫荆關時寒甚士卒墮指者十二三乃移書
燕請罷兵王報書策其五敗明年聚兵號百萬壁德州郭
英吳傑等營真定逼北平又敗退戰白溝河復連敗殺溺
及見俘者餘三十萬景隆奔濟南燕師來追復大敗死者
二萬餘濟南見圍以奉政鐵鉉堅守不下初泰子澄猶以
景隆推尚輕特賜黃金麩蓋彤弓矢使者渡江風失之復
製以賜而景隆敗問至矣召還子澄慚憤陛見慟哭請誅
景隆以謝天下不問又二載師屢覆燕兵渡江駐龍潭讓

皇帝乃使景隆同尚書茹瑺都督王佐並苗燕師講割地
王咲曰吾朕不割吾地也不許於是景隆等蒲伏密輸款
歸佐谷王守金川門燕兵至開門迎之王即位以景隆獻
門功改號奉天靖難增祿一千石改脩高廟實錄為監脩
總裁諸功賞大興華猶以班首主議天子外示崇重而心
恨之末樂二年周王嘗發其建文時在仰即訊受賂事于
是刑部都察院大理寺雜論曹國公乞藏禍心蓄養亡命
與弟左都督增枝謀不軌而太子太傅成國公朱能吏部
尚書蹇義等及六科都給事張信等已復言之盡削其勲
階官號絕朝請勒歸私第猶以長公主故不奪其爵亡何

文武群臣復言調事者至其家景隆猶坐受閤人伏謁如
君臣禮大不道因并株及左都督增枝同繫私第盡沒其
莊田寶貨圖籍臧獲入官而所繫皆親屬矣嘗絕其食旬
日不死始稍給之食未幾景隆餓而死而增枝存初相
者語景隆腰背厚重公輔不必言面如桃花當以凍餓死
已而果然正統中恩例所繫聽自便玄孫璿為南京錦衣
衛指揮使傳孫性嘉靖中繼絕例封性臨淮侯勲號階祿
視懷遠侯無子叔父沂嗣子庭竹數掌營府兼漕事卒子
言恭好文學

論曰岐陽豈真漢李廣之苗裔歟乃胆智絕若一人也

倘岐陽應太平對策。不過如吳伯宗出身第一備咨問而已。豈能蹈厲峻羨。器識沉閑。如以折節經義。送范祖幹。胡翰之說。用兵取勝。後李普溫之說。文武為憲。古吉甫。不是過也。諫興師日本。帝曰。此儒生家言。然則所為文武無二道。帝自食其言。哉。賜姓。託至戚。肺腑。參軍國。幾如大將軍。而獨兼領國子監。猶以其介冑。恂。若儒者。不惡其為文也。至于予。堯景隆。稱文忠。非智。非謙。幾累社稷。以無所指。則誠為惟庸所連耳。若九江果累社稷。廢一以兵。一使非太祖家事。隨西坐其孫。以不祀。豈岐陽有子哉。卒之繫私室。託以死。社稷存。而徒累其家。

何益也。夫王璉直陳治艦。且截北師。燕王原之不殺。而
速駕金川。請伏密款。他日謀論曹國公。謂包藏禍心。九
江即忠泣鬼神。義昭日月。百口不奪。夫誰信之。惜乎金
川遽開。使北平無仰攻環壁之勞。燕為旣得耳。

鄧愈

鄧愈字伯顏，虹縣人。父順興，生三子，長友隆，中即愈也。生有大志，及長，貌魁岸，勇力絕人。元末，群盜起江淮間，順興從鄉里少年入臨濠，自保，與元兵相拒。順興戰死，友隆代之，亦死。愈，浸代之，是時愈年十六，衆頗少。愈則出戰，每先登，無所不摧。破衆，乃喜曰：「恨不仲君早將，乃憂勁敵。」會太祖駐師滁陽，乙未，愈自盱眙率所部來附，授管軍總管。渡江，取太平，從徐將軍逆拒元兵陳也先等，出奇統敵。後大破之，從下建康，略定漂水，破鎮江，功最多。克廣德州，擢廣興翼元帥。字之元，以長鎗軍通州城。愈背城，輕兵合戰，俾

其總管武世榮、誠甲首千，移鎮宣州。別將兵取休寧、績溪，與胡大海合攻徽州。下之。元苗軍揚元帥完者以十萬衆來爭，愈與大海勵將卒分道逆戰，酋其大較吳宰等百五十八人，素勝進逼婺源，破殺其守將鉄木兒不花，獲級三千餘，得兵亦如之。由昱崩關進攻建德，破其長鎗元帥余子貞，獲馬百匹，追奔至淳安，復大破之，獲戰艦三十，卒三千，遂克建德，以為嚴州。進同僉行樞密院事。己亥，願兵略臨安，敗周帥于閉林寨，破元將苗陽之兵于烏龍巖，進僉書行樞密院事。時天完宣慰于光怒陳友諒之弑其王，以饒州降，愈鎮饒州。饒濱彭蠡湖，與漢界，每破賊漢舟帥于

城下辛丑進中書省參政食院如故。兼總各翼軍馬。愈乃
廣布威德。撫納降附。漢左丞吳宏等皆自拔歸。以兵取浮
梁。走其衆。改侯邦佐轉戰樂平。虜萬戶侯彭壽等請屬邑
皆下。乃進規洪都。聞州人熊鼎有謀畧。延見與論事。遣降
將吳宏過撫州。帥鄧克明詐遣人獻地。以緩我。愈詞得
之。用鼎計。率勁兵間道夜馳二百里。黎明下其三門。克明
單騎出還。以縣印十八詣愈降。遂定撫州。號令嚴明。農市
不易。民爭獻酒食。溫詞勞苦之。時漢丞相胡廷瑞以洪都
降。召愈。用步兵來會。改江西行省參政。鎮之。故平章祝
宗康奏快曰。不果降。且以愈秩卑不相下。宗泰方奉命從。

徐將軍蹙楚舟次女兒港反為漢還夜破洪都新城門愈
倉卒從數十騎走數典賊遇從騎殺且盡窘甚連跨三馬
馬輒踣幾不免最後易養子馬奪撫州門奔還建康以情
歸太祖太祖弗罪也右丞達兵復洪都于是大都督文正
開府洪都愈副之明年癸卯漢友諒圍洪都衆六十萬戰
艦高與城埒文正約束將士乘城守愈得撫州門最衝晝
夜不解甲者三月太祖以大兵來援圍始解友諒敗死論
功與克敏等尋破平鄧青等二萬人于永豐擒叛新淦從
問秦政過春蕩臨江之沙坑麻嶺十峒諸山寨圍贛州降
熊天瑞陞江西右丞還討饒鼎臣于吉安兵或不律行掠

判官潘樞入謁曰將軍奉揚天威而民不自保甚非仁人
弔伐之意愈大驚引罪進湖廣行省平章政事平章位次
丞相愈時二十有八兵興諸大將早貴無有如愈與李岐
陽者出鎮襄陽襄陽西接巴蜀北襟河洛南控楚烽火旌
壘相望太祖賜愈書宜條法度施惠愛勿妄殺援古仁義
之將相勅降將張德山協愈而以都事王天錫參幕府
咸受面諭誠重之也愈披荆棘立軍府營屯練卒咸惠甚
著太祖為吳王初建御史臺首拜右御史大夫時左大夫
湯和討方國真愈頌臺事上書言便且特見嘉納大將軍
經畧中原愈以征戍將軍畧定江淮未附州郡進兵取元

唐州又取南陽。獲守將蔡國公史克新等。遂取隨州。守將左丞王誠降。覆洪山之老馬劉寨。斬獲以萬計。敵地悉平。戊申。太祖即位。立東宮。愈兼太子右諭德。以征鹵左副。將軍從大軍出隴右。大破王保。上于定西。悉覆其衆。別將招諭河川土蕃大首何鎖南。普花兒只等。請降。迤西烏思藏等亦降。皆入貢。請受命。大論功。授開國輔運。推誠宣力。武臣。特進。榮祿大夫。右柱國。衛國公。歲祿三千石。予世券。五年壬子。以征南將軍討澧州。等處溪洞蠻獠。悉平之。甲寅。同鎮北邊。明年。練兵也。田陝西。丙辰。土蕃諸部為梗。剋剽烏思藏貢使。改愈征西將軍。率都督同知沐英等往討之。

分兵為三道深入覆其巢窮追至崑崙山斬首插齒以萬計。鹵馬牛羊二十餘萬捷聞召還至壽春得疾卒年四十有一上聞訃哭之慟。報朝三日。歎曰。愈事朕二十二年。歷鎮八州。有功無過。命朱夢侯為神道碑。葬事皆官給。追封寧河王。謚武順。侑享太廟。愈為人沈毅詳敏。其事上最恭順。有所委。不憚危苦。屢受摧抑。不怨。功成不矜。敬札賢士大夫。上心重之。前後托寄。親舊莫敢望焉。有五子。而鎮羽林鎮撫襲封。改國申。亦數將兵。從大將軍有功。卒。年二十三。弟銘為西安護衛指揮使。征蠻。卒。子源當後鎮。弟鉞。旗手衛指揮使。幼侍太子。學頗狎。時從蹴鞠露綉。裳着氍毹。

其上云紀綱所贈坐透漏宮情死女妃秦王源
樂元年為散騎舍人七年征胡有功還奉中子槿早世子
炳成化中乞嗣不許弘治中復為南京錦衣衛指揮使子
繼坤襲嘉靖初繼絕世封繼坤定遠侯勲階號祿視懷遠
侯

論曰兵興諸大將早貴無如衛國及李岐陽位次丞相
纒二十有八年十六從軍無勁敵歷鎮八州有功無過
親舊莫敢望獨南昌之後祝康鞅廷瑞言之寧河獨
不聞一礮而門開顧拱手東乎至其副大都督關門而
與六十萬爭不解甲八十五日又何勇也曰以太祖所

以善○用○寧○河○也○失○洪○都○不○問○乃○令○復○守○洪○都○即○豈○有○不○
固○六○王○獨○湯○襄○武○年○七○十○是○及○太○祖○次○徐○武○寧○五○十○有○
四○李○武○靖○四○十○有○六○沐○昭○靖○浮○武○靖○者○二○而○武○順○浮○常○
忠○武○者○一○至○連○文○之○日○故○將○零○落○文○皇○四○顧○躊○蹰○自○謂○
獨○絕○而○奈○何○不○上○金○川○門○哉○

湯和

湯和字鼎臣、定遠人、少孤、卓越有奇志、常從羣兒嬉、輒勒習部伍、身為帥、擇一雄者為敵、分壘而角之、必勝乃已、及長、身長七尺餘、多力、工騎射、饒智畧、元至正辛卯、郭子興為濠帥、和送惡少年十餘人、仗劍從之、每出、跳盪當鋒、還則殿後、自百夫長、從取九灣、再從攻定遠、覆其帥、進千戶、而是時、太祖以郭所親重、請于郭、得和共事、從取洪山寨、得其兵八百、長萬夫、復從下滁州、為管軍總管、取和州、當是時、諸將皆太祖等夷、為滁陽貴客、部曲驕莫肯下、和長于太祖三歲、獨恭謹執鞭、從太祖總兵和陽、奉檄未上坐、

和為推尊。輒先下拜。衆不敢不拜。元將陳也先來寇和州。和敗却之。從渡江。定太平。所部獲馬三百。卒千人也。先復寇太平。和擊其水軍。流矢中左臂。不退。轉戰至城北。大破之。擒也先。以獻。別將下溧水。丙申。從下建康。取鎮江。進統軍。大元帥守之。畧定金壇。覆窩莊。戍轉。同僉樞密院事。從取常州。守之。與周士誠邊相持。和頗好飲。有酒過。嘗請事太祖。不獲。尤頗內慍。醉謂其下曰。吾填此如騎危。願左。願右。第吾可否。太祖聞之。隱不發。和酒醒。乃大愧。悔取江陰。捍周寇力。從攻無錫。凡獲戰艦及馬以千計。癸卯。從大將軍大破吳師。周復稱吳于錫山。走其將莫天祐。獲甲首五

百、還拜中書左丞、與大將軍分省而治。復從副將軍遇春
解長興園、大破吳士信軍。越拜平章政事。乙巳、討平江西
巨盜、西取永新、僂其在丞周安等、還守常州。丙午、從討士
誠、進略太湖、降其舊館帥、湖州下。逼姑蘇、十閱月而吳平。
論功、賜帛九、有副。戊申、太祖即大位、為左御史大夫、立東
宮、為太子左諭德。時方國珍猶據溫台慶元三郡、和以兵
蹙之、走國珍海島、悉俘其衆。遣人持書諭之、國珍降。時陳
友定猶為元撫、八閩和乘勝以征、南將軍率諸將攻下建
寧、縛友定以歸。帝幸汴梁、同宋國公勝取懷慶澤潞晉
絳諸郡、復遣大將軍拔河中、渡河入潼關、趣鳳翔、越六盤

山秦隴皆蕩平。明年復從大將軍大破元擴廓于定西，遂定寧夏。追鹵于塞罕腦兒，擒其猛將虎陳。九月，大封功臣，與衛國鄧愈俱為御史大夫。雖年位久在其上，以功不如，僅封中山侯。授開國輔運宣力武臣，榮祿大夫，柱國，歲祿千五百石。帝始露其守常州時醉中語，和頓首稱死罪。明年為征西大將軍，與副將軍廖永忠等舟師自夷陵入峽，攻夏，發兵扼險，不得進。詔責和逗留，而征鹵副將軍傅友德自秦隴深入，取漢中。永忠乃決計先入，破其扼險之師。長驅抵重慶，和始繼之。夏主明昇以重慶降，而友德亦定成都、蜀平。天子推功，友德永忠受上賞，因責數和，姑予之。

彩帛八。五年副大將軍達北討分道擊鹵戰斷頭山敗績
失徹侯一人久之進濠州為中都鳳陽府和與太師李善
長董建官闕分置曹署以久勞于外數賜璽書慰勞從鎮
彰德上以和用兵數失利常論之曰軍中之事難于執一
然○推○德○必○先○逆○者○逆○為○速○之○所○贈○示○威○必○先○大○者○大○為○小
之○所○憑○欲○人○不○違○已○當○使○之○以○信○欲○人○成○功○當○任○之○以○專
凡此皆汝所短故告爾和雖不任將而堅忍多智教能與
太師善長相抵牾時委以綜理之任輒効又重念其為里
閭長者九年與潁川侯傅友德延安防邊元逋臣伯顏帖
木兒來請和進封信國公加拜推誠位特進階光祿勳左

柱國左都督議軍國重事加祿至三千石。子世券。明年西
巡至河州。繕完城郭營舍。又明年從北伐。覆灰山營。獲其
平章刺里哥。十三年。巡四川永寧之壩濠。訓練其士馬。久
之。五開山燧亂。從楚王以兵討之。斬三萬餘。時中山岐
陽二王皆已物故。上念天下無事。不欲諸大將屢典兵。和
乃從容為帝言。臣老矣。願得歸故鄉。為容棺之墟。以待骸
骨。帝大悅。立賜寶鈔五萬錠。治第于中都。尋悉為諸功臣
魏鄂曹宋穎涼諸國咸泊第。皆極宏壯。既而倭盜海邊。故
方國珍從子鳴謙請沿海建置衛所宿兵。四民籍其一。帝
謂和曰。卿雖老。強為朕一行。因與鳴謙偕。自登萊迄吳越。

成城五十有九。盡募州縣錢及沒入罪人貨物給用。工匠
往過里丁壯多入民家。闕其墻垠塔序之石及諸礎礎。
擗諸城下。浙人謳曰。京困巨倉。公卒取浪墻除礎礎。公城
掘擗。客王文啓曰。浙人謫矣。奈何。和曰。吾聞成遠笑者不
近量。任大事者不細謹。若以國之無備。及于戈鋌。蔓草延
竄。下蟲豸生井白。安所得礎礎乎。復有譏者。老夫能手碎
之。不踰年。城成。稽軍次。定考格。立賞令。曰。民食一守之。新
第成。和陞。薛。賚賜甚渥。夫人胡亦預賜。魏曹等六公所未
有也。歲一朝。京師諸公侯。或不時奉遣。獨和以老不在行。
其後入朝。忽中風。不能言。上幸其邸。撫視良久。遣遂里命。

其女魯王妃歸寧侍疾。少間，二十七年，復入朝。疾劇，不能
興，帝手摩其體。與叙里閉舊及艱難勞勩，和不能對。稽首
而已。帝為之雪涕。詔有司為營墓地。明年，卒，年七十。追封
東甌王，謚襄武，侑享太廟。和沈毅質直，入聞國論，一語不
洩。臨敵果敢，或談古兵法，笑曰：「無為。」在臨機智識耳。家畜
妾媵百有餘。暮年，老賢遺之，賞賜多。患鄉黨加憫，故舊精
于相地，凡省郡州縣多所改正。正德中，浙江御史英言和
守備精，沿海倭迄不敢犯，請立廟定海縣，詔從之。海上父
老往，指烽戍揖湯信國功不衰。五子：長昂，立功為都督
僉事，征雲南卒。追封信國世子。次輓，弱變，皆前卒。少子體。

積功至同知左軍都督府征五關卒有孫十一人而弗及嗣洪武中三孫已長一病偃次俱英偉皆不令卒六世孫紹宗孝宗朝錄功臣後為南京錦衣衛指揮使嘉靖中繼絕世封靈璧侯凡三歲卒再傳世隆嗣領漕事者十餘年以勞加少保太子太保

論曰東既論兵以為可盡廢古法辨臨機誠然矣顧所向數失利獨以伺太祖喜怒密執鞭和州先諸將下拜醉中語便不問也逗遛重慶敗績斷頭山亦一概置之無所累績遽進封信國蓋先事而迎帝沉毅二字帝所久許寤寐中矣帝晚年厭兵遂有容棺之請稍不念韓

沐英子春晟昂等

沐英定遠人八歲喪母無所歸焉。皇太后撫軍中帝嘗曰是兒長吾世屏翰我童時尊重如成人性溫爽機穎過人與李岐陽俱冒國姓名文英弟從子文正也年十八侍帷幄目無迕視為帳前都尉從守鎮江甲辰擢廣武衛親軍指揮使加授昭勇大將軍洪武元年以所部從下延平擒陳友定開平復今姓駐建寧節制邵武延平三年擢鎮國將軍僉大都督府事明年進榮祿大夫都督同知時都督不為階官英特受異數九年乘傳巡陝西諸路事有不便者輒更置後聞明年充征西副將軍從衛國勢愈總京畿兵

馬征蕃州西渡黃河略烏思藏耀兵至于崑崙轉戰數千里俘士卒以萬計馬駝牛羊十倍之衛國道卒代部其衆還封西平侯賜號開國輔運推誠宣力武臣階仍榮祿大夫勲柱國食祿二千五百石予世券又明年拜征西將軍窮追西蕃降元萬戶迄失迦及舒朶兒只都烏都兒三樞密副使卒二萬餘雜畜二十餘萬平朶甘納兒七站地數千里請置洮州衛所兵戍之還鎮關中十三年復率所部蕩和林轉略六集乃渡黃河登賓蘭擒伏聽者得穹廬所止涉流沙分兵四翼薄其營而身率精騎抵中堅大破之獲元太帥國公脫火赤知院愛足覆其全部還鎮關中明

年以所部從大將軍出古北口襲公主山寨掩四部卒渡
瀘胸河獲元知院李宣等還京亡何克征南右副將軍從
穎川侯傅友德討元孽梁王于雲南由辰沅遵陸路出羅
鬼攻普定普安循格孤山之南出奇兵襲畢節擊可渡河
皆下之元司徒達里麻阻曲靖英語友德請得以曲靖為
先聲兼程疾掩之適大霧軍盡壁白石江與敵咫尺霧霽敵
始知之驚則陽整衆若將渡者敵悉銳挽欲渡軍不果
渡而別一軍溯流暗渡出其陣後角舉山谷皆應更設旗
幟為疑兵達里麻益驚撤渡軍應已渡軍水上軍心動陣
亂英慶善泗數百人蒙盾當先既渡益勇敵退數里肆擊

之。蹕血震盪。時穎川永昌二侯更多縱鐵騎橫貫而闌之。敵大潰。由達里麻俘衆二萬。梁王聞之。棄去南走。沉漠海。死。時大理段氏猶為元守。英分一軍夜間道登點蒼山襲其背。質明。麾騎亂流。被羽先登。闕破。伏兵從後夾擊。擒守帥段世。拔大理。移兵取車里平緬。不決。月雲南郡邑悉平。復與穎川侯分道平叛蠻。立烏撒畢節二衛。已而夷兵復犯雲南。窘都督馮誠。英簡萬騎馳救之。賊夜遁。乘勝悉復。曲靖永昌之失守者。上以為能。詔英督鎮雲南。次第平廣南蠻。誅浪穹鶴慶劍川逋寇。特磨遣去。二十一年。宣尉思倫以三十萬叛麗川。英所部止三萬。先使馮誠以三百人

鼓之奔其氣。明日賊悉衆突百象前。象皆披甲負戟。楛周
若欄楯為蔽。挾大竹為筒。置短鎗十餘。飛刺。英分卒為
三行。參差而陣。以火砲神箭更番進。而身立馬高岡觀戰。
敵有昔刺者。徒聞我左隊小却。英令馳取隊將首。來隊將
急奮貫敵軍。諸隊齊躡敵。呼聲震天地。象反走。大軍乘之。
斬首三萬餘級。俘萬人。賊帥刁斯郎等皆伏。殪象皆。明年
復平東川。走叛首阿資。召還朝。賜宴。上撫其背曰。乃使。我
高枕無南顧憂。歸鎮。復大破阿資衆。走之。使以兵威折
脅八百國。并諸番。當是時。遂有重譯來貢者。屯田百萬。二
千餘畝。軍費以充。英在軍。初聞高皇后崩。哭踊三日不食。

二十五年。懿文皇太子薨。英故常侍東宮。有恩誼。哭嘔血。方坐堂皇。業事忽中風卒。年四十有八。軍民三日罷市。訃聞。帝為慟哭。輟朝。追封黔寧王。謚昭靖。王其三代。侑享太廟。夷人勢面請于朝。尸祝之。英好禮士。撫卒較有恩。節目疎。不肯為煩教。讀大學衍義而悅之。手不釋通鑑。網目論事。輒引為據。擇民秀及土官之子弟。皆令入學。肄業。風以禮義。平居無所嗜。獨有馬癖。嘗曰。天用莫如龍。地用莫如馬。吾大將。當與之卧起。譬無暱友。何以為樂。妻馮氏妬。帝留之京師。而賜二女。雲南郎得二子。又沐府內使出見業。女子道。收養之。英後至內使家。一幸而娠。馮知之。重刑墮。

胎又閏月復產一子蓋孳也。初名琮，英五子，春晟昂景
昕景登卒，三子逆鎮雲南。少子昕尚太宗公主，為駙馬都
尉，屢掌南京都督府事。春字景泰，初嘗從父出征，累功掌
禁旅。十八年，例試後軍都督，帝曰：「是兒不比他侯家得寶
授錄囚烈山，奏釋數百人，往勸那海于蔚州，白其構逆非
真，悉釋數百人，從宋國勝出沙漠，降納哈出。」二十五年，襲
父爵鎮雲南，討降羅雄。法東瞿能平弄山諸酋，二十七年，
遣平越嵩賈哈刺立瀾浪衛鎮之，獲叛阿資于赤窩，寧遠
州接壤交趾，酋刁拜爛負固，討降之。久之，麓川刁幹孟逐
其宣慰思倫，詔以征夷前將軍提川貴雲南兵破誅刁幹。

孟歸倫卒于軍。春在鎮益墾田三十萬餘畝。佐餉三十一年。病卒。年三十有六。謚惠。襲無子。弟晟嗣。晟字景茂。端懿寡言笑。讀書強記。甫冠。僉後軍都督。進右都督。嗣侯代鎮。時岷王之國雲南。与晟交惡。上遺書王。晟少孤。不練事。念其父。勿深望。吾當別飭晟。然卒以王他故。徙國楚。晟自如。及建文帝自焚。傳聞出走。朝廷疑匿晟所使。訶之久。無狀。時夔川宣慰使復不能制其下。諸蠻逐之。擅其地。晟部重兵討平之。分其地為孟養木邦。孟密。三府。鎮沅。威遠。二州。及五長官司。而歲徵其貢稅。又于潞江之西。置騰衝千戶。所以控之久之。八百國之長。復為不靖。晟令別將縱擊。

而自特其後師次蒙自敵退走追獲其帥歸永樂四年詔
朱能為征夷大將軍晟為左副將軍征安南友者黎季犛
晟由蒙自經野蒲斬木通道以入時征夷將軍能卒軍中
新城侯右副將軍張輔代之晟與合兵破多邦城尋搗其
東西二都卒擒季犛并其子胡查遂郡縣其地事在張輔
傳論功賜晟號顯忠輔運推誠宣力武臣階特進榮祿大
夫勲右柱國封黔國公歲祿三千石子世券已交人簡定
反化州偽稱日南王以晟兼征夷將軍討之戰于生厥江
敗績定遂自稱為上皇立陳季擴為大越皇帝改元興慶
詔英國張輔克征酋副將軍合黔國晟破獲定等送京師

伏誅。而季擴等尚矯命。改元重光。晟速戰。不即下。復與輔
並出。獲罪人。以歸。尋撫富州叛酋。降之。仁宗立。加太傅。宣
德元年。安南再反。晟會安遠侯柳升合擊。升戰死。晟兵亦
退。廷臣劾晟失律。帝但馳章示之。正統中。蠻寇逆。遣弟
都督昂討平之。三年。麓川思任復叛。晟率兵討之。斬首三
千餘級。以瘴癘不能進。師退金齒。都督方政輕進。敗沒。晟
坐不救。遣使詰問。晟內慙懼。還至楚雄。自鴆死。追封定遠
王。謚忠敬。南人懾晟父子威信。無異人。主每片紙下。其威
儀。出郭迎。盟而後答之。曰。共令旨也。晟置園墾田業三百
六十。曰。吾日食其一。可以卒歲。珍貝敵天府。後庭曳羅綺。

數百人。鬪奴亦數十百。善事中貴。通遺執政不絕。然頗能
簡制其下。意不以滿獲罪。子斌尚幼。弟昂代鎮。與定西伯
蔣貴。復合定麓川。遷左都督。卒。贈定西伯。謚武襄。而斌嗣。
公十一年。屢建撫定功。卒。贈太傅。謚榮康。子琮幼。不克嗣。
從兄璘代鎮。卒。弟瓚復代鎮。然後琮始嗣。公琮字廷共。尋
甸廣西土官互賊殺擒其倡亂者。銓流官治之。撫孟容。討
叛酋帥五莽立等。擒之。工詞賦。取下寬簡。卒。謚武愷。無子。
以都督同知瓚之孫崑嗣。朝議崑為西平侯後。當從侯爵。
而守臣爭之。謂南人知有黔國。不知有西平也。侯之恐為
所輕。崑年十四。拜公爵。常發兵平灶山竹箭蠻。論定孟養。

孟密之爭寨者。又合川貴二鎮兵卒未魯亂。再擒崇州賊張長受。南安亂首那代。三賜璽書。獎諭益祿百石。卒謚莊襄。子勳嗣。卒。子朝輔嗣。卒。有二子。殤弟朝弼當嗣。虐其嫂。且錮之。致廷訐。久之。襲印坐。淫虐削爵。以子昌祚嗣。朝弼復欲殺其子。述錮南京。之故第幽死。萬曆中。昌祚出。以僉事楊寅秋不避道責故事。咎其與人交訟于朝。上議沐氏擅革其鎮守。而以子敷都督僉事代。父子交惡。昌祚出游于外。久之。敷卒。昌祚復鎮。崇禎末。在鎮。沐天波為土司沙定洲所襲。天波走逸。西偽西孫可望時。已陷貴州。詭稱援師。募程屠交水曲靖。定洲解楚雄之圍。奔阿達州。遇可望。

蛇花口大。敗。淩奔。再。草。奄。李。定。國。之。天。波。乃。依。可。望。內。附。
後。可。望。叛。攻。雲。南。其。党。王。尚。禮。謀。內。應。為。天。波。所。覺。不。得。
發。丙。申。定。國。護。柱。主。入。雲。南。可。望。北。歸。己。亥。雲。南。敗。隨。駕。
樓。緬。卒。丑。冬。緬。殺。天。波。而。沫。氏。廢。

論曰。沫氏至晟始封黔國公。然則英以西平侯輒贈王
創制也。八歲馬皇后撫軍中。太祖已知其能。屏翰且世
哉。君擇臣。父知子。灼髻髻矣。西平與岐陽咸能文。岐陽
講明性理。西平不釋綱目。初蒙賜姓。時不過軍餘。句讀
乃克審大義如此。哭東宮。嘔血且死。其猶篤兄弟之義。
欽。六。王。中。再。傳。中。山。開。平。以。節。見。而。沫。氏。三。子。皆。以。功。

著同是効。死于燕中山之增壽。與西平之景。意順逆之
故不可同日而語。嗟乎。亦以其時也。威令行。片紙邪迎。
過而後啓。頗似震主。然非此不足服南人。以是除中山。
之世皆中衰。而沐氏獨炳烈。近三百年。至天波而絕。雖
然尊而能謙。所以長有其貴也。西平之恭順。固克善其
爽柔也哉。棄女孛生。名琮。而英魯孫亦名琮。豈前有此
名而犯複。當有訛。俟攷。

馮勝用

馮國勝更名宇異。最後名勝。定遠人。漢馮異之後。父文質。三子。長國用。季勝。皆驍勇。饒智畧。射百步。命中。國用貌都雅。勝長身巨麗。性稟磊落。生時黑氣滿舍。若煙霧。經日不散。里中異之。淮南起兵。兄弟聚衆。立砦自固。太祖畧地至妙山。國用儒服詣門曰。書生上六字。太祖坐。國用上坐。惡受教。國用曰。有德昌。有勢強。明公無意乎。建康龍蹠。帝王都會。其帥懦不任。急取之。可以強而不強。然後命將出師。掃群寇。倡仁義。以拯水火。可以昌而不昌。太祖曰。敬諾。於是校衆來歸。太祖見勝。尤愛異之。兄弟俱侍心膂。預

進止機宜。當李善長。有所攻戰。則又探甲前三。汜河之
役。國用手執其帥。從渡江。破擒元陳也。先太祖赦也。先典
之盟。撤血而嘔。國用曰。其人必叛也。先果行刺。不克。走死。
兄子北先。復擁衆據方山。與中丞。靈子海牙。分水陸伺我。
國用從破海牙。降北先。盡有其衆。太祖以中五百人為宿
衛。獨國用與滕。累甲侍帳中。太祖即以屬國用。滕將之。攻
金陵。先登。從取鎮江。寧國。定泰。典宜興。俱進有功。大元帥。太祖
為吳國公。擢國用。帳前親軍都指揮使。專侍謀議。從征金
華。進平紹興。功最多。屬疾卒。子誠尚幼。滕代為都指揮使。
禦漢友諒。龍灣。滕率宿衛直搗其中堅。大破之。再從拔江。

州走友諒武昌受劉基指畫取南康轉都護從救安豐擊
金斗邊同知樞密院事從克廬州走元將左君弼移定江
西諸郡合兵下淮東常代大將軍達圍高郵吳將俞中偽
降約曰排女牆為驗勝墮其計失受降千人太祖召而捷
之使徒步至軍自贖勝慚憤一鼓下高郵從破吳興進圍
平江下之論功次平章遇春進銀青崇祿大夫右都督尋
從大將軍北討太祖即位立皇太子領右詹事俄坐小法
奪一官為都督同知總諸衛兵取樂安別部兵溯黃河會
取汴梁河南二郡西拔潼關守之復西下華州旋師謁上
於汴拜征鹵右副將軍守汴尋從大將軍下山西踰太行

取澤潞轉戰平陽敗其左丞田保、徐伯昌于絳州獲之。制詔左副將軍居遇春下湯和次之楊璟又次之渡河取鳳翔李思齊走臨洮兵逼臨洮降之還遣大將軍圍慶陽執叛將張良臣全陝悉平。前是上遙諭達大軍已下慶陽右副將軍勝權鎮之節制諸路兵馬大將軍達偏將軍和還京議功賞勝不奉詔遲達五十餘日亦輒詣上一切責之以勝功高不付更至定賞減金幣半已復為右都督再以右副將軍同大將軍出搵定西大破王保、自秦州南出一百八渡徇畧陽擒元平章蔡琳入汧州又遣別將由鳳翔入連雲棧合攻興元克之蜀地大震征哨極于西北。

論功授開國輔運推誠宣力武臣特進崇祿大夫右柱國同參軍國事封宋國公食祿三千石賜券誥并追贈兄國用鄂國公弘光初追謚武翼明年勝按陝西又明年大蕩兵三路出搵鹵勝以征西將軍率五萬騎由西路出金蘭分其勢勝至蘭州遣傳將軍友德以驍騎五千為前鋒連戰皆捷取甘州移西涼敗元將失刺罕又拔肅州元平章不花戰死降太尉瑣納兒等至木州進亦集乃路降其守將小顏帖木兒次別力篤山岐王朶兒只班走獲其平章張加奴等及馬駝牛羊十餘萬時大將軍連兵不利右副將軍文忠所得失相當獨勝以捷聞而有言其匿鹵橐駝

馬者賞不行自是連以將軍印練兵臨清北平繼往大同討元殘寇散不剌等還鎮陝西改河南冊其女為周王攝妃尋以征鹵右副將軍練兵河南時元丞相納哈出教伺遼東為患納哈出者木華黎裔孫也初以萬戶守太平太平下獲而遣之元亡猶據金山榆林營鵝莊及龍安一虎河人衆其重雄于元主二十年春以勝為征鹵大將軍傅友德藍玉左右副之總師三十萬討納哈出踰金山降其將觀童先是上遣納哈出故部乃剌吾奉璽書諭降未至而藍玉以輕騎襲殺其平章朶來于慶州納哈出遂恚出松亭全師歷金山至是始見乃剌吾驚而乃無恙乎以不復

得相見矣。乃刺吾頗為述上恩德。且逼勝大兵。納哈出度不敵。嘆曰：天不與我有此衆。我遂因乃刺吾請降。勝使藍玉以輕兵往受之。納哈出領數百騎詣玉。約降。玉為置酒。酒醒。納哈出別酌所攜酌玉。玉讓納哈出。輒先飲。復酌酌玉。玉解衣之。曰：請服。然後飲。納哈出亦讓。弗肯衣。玉亦持弗飲。久之。納哈出取酒澆地。願其下語。吐、鄭國公茂者。勝子壻也。其部將趙指揮解胡語。謂茂且欲遁矣。茂據前搏之。納哈出驚起。欲就馬。茂拔佩刀走斫之。傷不得去。都督耿忠遂以兵擁納哈出。馳見勝。其將士妻子凡十餘萬在松花河者。聞而驚潰。諸親信奮來追。勝遣降將觀

童喜諭之皆降。凡所部二十餘萬。牛馬驢駝車服至百餘里。獨納哈出二從子。驚不肯降。勝為折矢信之。尋亦與納哈出偕至。勝禮款深渥。至令耿忠與同飲食。遣使奏捷。歸罪鄭國公。因械茂至京。而盡將其衆南行。使濮英三千騎為殿。上使諭勝等。凡降者隨水草便安插。勝令母掠胡馬。掠胡馬斬。而身自犯。汝令至多。或使闖者行酒于納哈出。妻求大珠異寶。胡中王子死。方二日。強娶其女。于是降喪益恨。邀我漢將軍。返去。英不屈死。茂至京。亦自陳。所以搏納哈出故。且訐勝過。上乃收勝大將軍印。命歸鳳陽。里第奉朝請。而諸將士亦無封賞者。茂削爵。安置龍川。自是

勝○無○大○將○兵○二十五年、加太子太師、時勲臣望重者八人、勝○仍○居○第○三、勝子諒、與家奴同謀殺人、囑縣官勿舉事、覺上○論○勝○家○奴○如○律○特○免○諒○死、因○諭○勝○曰、天○道○以○有○餘○補○不○足○人○反○其○道○乃○以○不○足○奉○有○餘、嗚呼、禍福之來、皆人自致、朕念卿昆弟相從開國有功、且聯姻親、不忍不為卿言、二十八年、勝家居、僮僕倚勢橫攔稅鞬重乘載、勝獲稻打場、瘞甌場下、碾碌礮其上、取其有鞞鞬聲、出入騎善馬、常與樊父戲、而致交訟、樊父遂發其居家所為、若曰場下瘞兵器云、會有以小隙惡勝于上前者、稱勝仰觀乾象、頗有不樂之色、上曰、彼且為不軌耶、予勝酒曰、朕不問勝、歸遂死。

勝為偏將時勇悍善戰及為大將軍稍廢紀律金山之後
有大功上顧不悅卒之日贈卹不及諸子皆不得封國用
子誠雲南戰功官左都督弘光初追贈勝特進光祿大夫
左柱國寧陵王謚武壯祔享功臣廟肖像時適郢國裔孫
攜勝遺像至

論曰國用上六字有德昌有勢彊進止機宜大要在此
宋景濂徒祖不嗜殺人四字而未解弱後強之義讀孟
子未半部矣宋公與兄郢國咸侍謀議最密常制詔以
將軍居遇春下湯和次之楊璟又次之帝晚年勲臣望
重八人勝猶居第三未幾乃遂入樊父兵器之惑願金

山之役功最大而所以居功者未善。帝隱不忘則于其慶陽廢詔時罪莫大也。夫以全陝重任代大將軍達節制諸路軍馬且與勝國聯幕而處變隨不常勝不奉命遽還京。倘慶陽伺釁再叛為半壁之憂不小。此時理宜付吏帝但切責誠欲存其鋒別用之。如湯裒武醉中之言事久最淡乃黜帝喜用人大率類此。以是金山過小輒令歸第奉朝請而寃以太孫仁柔不無烏畫子藏之慮。偶借人言輸其前罪後世原勝以為罪無可坐。帝意則曰久宜服軍政而遲至今也。嗟乎他日燕之南飛宋穎涼即一在猶可以逆河上而瘞兵不發即奈何。

傅友德

王弼
曹震

傅友德，宿州人。曾避河患，徙穎之橫澗村。穎亂，復還宿。從
芝麻李，非其意也。擊刺射，冠絕一時。抵礪山，傭保。不理
子嫂，贅婁庄程氏，不得志。隣媪高氏勸之出走，從宋李喜
喜破山東，燒上都宮闕。李敗歸，憂明。王珍不能用，又從陳
友諒，協丁普，即共守小孤。太祖搗江州，友德以夢兆，與普即
共迎降。伴為別將，屬常遇春。從援安豐，掠廬州，還從戰鄱
陽湖，槩輕舫深入。身被數創，手殺數百人。徼擊涇江口。友
諒死，第功最。復從定陳理武昌，敵盛兵，據高冠山為衛。嚴
不得上。太祖頷友德，則以萬人一鼓下之。流天中，類鏃出。

臘後。漫洞。勝不為沮。武昌平。授雄武衛指揮使。徙大將軍。達下廬州。西取夷陵諸郡縣。破擒其將任亮。身被九創。還師。克吳泰州。進逼淮安。破其援兵于馬驢港。敗竹貞于安豐。吳元年。太祖方有事浙西。而以友德守彭城。元王保。遣左丞李貳敗彭城師。次陵子村。友德計衆寡。不敢詢其散掠時。突步騎二十。呂梁渡。單槩祖刺其驍騎韓乙死。因乘之。敵敗去。即度其益兵。再來還陣于野。臥捨開城門。以待約。聞鼓聲。盡起。敵果盛兵至。疑不進。鼓發。士騰搏賊。大敗之。擄李貳以歸。進江淮行省。參政。召入。以麾蓋鼓吹送歸第。中書參議李飲冰楊希聖携音伎一部樂之。飲冰

等探而酬。上聞之。默飲水。等而慰友德曰。卿擐甲冒出百
死一生。便引辭。何害。明年大將軍北征。上所褒勉。不四五
人。獨曰。參政友德。與右丞薛顛。勇畧冠諸軍。可授先鋒。嘗
一面從破汴州。斬王宣。下青州。連收山東河南。進克元都。
精騎偵邏。古北諸隘。從大將軍自真定。進兵太原。王保
還援。兵未交。萬騎突出。壓營而陣。友德帥死士五百衝却
之。因合謀。直掩其營。王保棄軍走。復敗賀正哲于石州。
逐竹貞至宣府。敗脫列伯。功最。復從大將軍西入關。走張
思道。逼臨兆。降李思齊。大將軍圍慶陽。以驍騎扼其跳。慶
陽下。關陝悉平。洪武三年。復從大將軍搗定西。大破王保。

保移兵伐蜀、領前鋒出秦州、奪畧陽關、擄其平章蔡琳、入
馮、分兵由鳳翔、經連雲棧、合攻漢中、克之、以饋運不繼、還
軍西安、蜀將吳友仁兵大出、謀復漢中、急友德、猝以精騎
三千趨斗山寨、夜令人持十炬布斗山上、蜀兵疑援多、盡
驚遁、凱旋、大封功臣、授開國輔運推誠宣力武臣、榮祿大
夫、柱國、穎川侯、食祿千五百石、尋進同知大都督府事、四
年、議伐蜀、湯和、廖永忠、由瞿塘、以舟師取重慶、友德為征
南副將軍、由秦隴、以步騎趨成都、奉上密諭、馳集諸軍、揚
聲出金牛、而微覘階文守備單、自陳倉板、援巖谷、兼行晝
夜、抵階州、走夏將丁世珍、城下為橋、渡白龍江、拔文州、進

拔綿州。令指揮僉事朱顯忠守文州。世珍盛兵陷文州。友德復取之。顯忠死。亂軍千戶王均諒被執。不屈。見殺。時漢水漲。伐巨木造百艦。渡軍。以木梯書克三州。日月順流。報瞿塘將士蜀人見之。震咋舌。圍漢州。其丞相戴壽太尉吳友仁等分瞿塘守兵來援。則已破其守將。向大亨乘勢逆擊。大敗之。拔漢州。進圍成都。以強弩及火器破其象陣。象皆反走。兵躡藉死無數。會征西副將軍永忠進追重慶。明昇降壽等。乃以成都降。分兵徇下州邑。執吳友仁。第功。友德第一。永忠次之。征西將軍不與焉。明年。副征西將軍勝由西路出金蘭。先率驍騎五千趣西涼。至永昌。連敗其將。

失刺門朵兒只巴等獲馬牛羊十萬。進畧甘肅。手射殺平章不花。降太尉瑣納兒等。至瓜沙州。大捷。獲金印三。馬牛羊二萬。是時師出三道。獨友德獲全勝。而以將軍勝坐小法。不被賞。踰年。復為前鋒出塞。酋聞。絕漢徙去。還軍填北平。上疏言五事。上褒允。舉行之。尋召還。扈皇太子諸王講武。荆山下。同中山侯和出。備兵延安。元伯穎帖木兒偽請降。上陽召和還。以誘之。而酋友德為備。敵果入寇。大破擒之上將。取雲南。命巡行川蜀。撫金筑普定等諸土夷。皆納款。南乃見不花寇邊。副大將軍達出塞。抵北黃河。夜覆其灰山寨。十四年。以友德為征南將軍。率左副將軍藍玉。右

副將軍沐英騎步三十萬討元雲南。上親餞龍江。受方畧以行。師次湖廣。分遣都督胡海、郭英、陳桓等率兵五萬。由四川永寧趨烏撒。以分其勢。而身率大軍。由辰沅取貴州。道攻普定。克之。羅鬼、犵狁諸苗望風降。復攻下普安。進兵曲靖。梁王把匝剌瓦尔密遣其司徒達里麻拒戰白石江。用右副將軍英策陽為欲渡。而別從下流掩其背。夾擊之。鹵達里麻俘其衆以萬計。友德悉縱之歸。衆歡聲聞遠。迨曲靖平。乃身率衆擣烏撒。以應胡都督。而令藍將軍直趨雲南。梁王走死。雲南下方城烏撒。蠻大至。友德故持重。不戰以老之。忽鼓士騰奮。大破其衆。城下得七里關。以通畢

節克可渡河。于是東川烏蒙芒部皆降。進兵至大理。元宣尉使段世猷書請如唐宋故事。領王印一顆。大統曆一本。律令一部。比年小貢。三年大貢。友德不許。世再上書曰。善。聞危如登山。大理險倍投海。漢武習戰。僅置益州。元祖親征。梁王分土。自古平天下易。平雲南唯友德。大怒與右副將軍英新關入。大破擒之。分兵取霍慶。略麗江。破石門。下金齒。車里。摩些。和泥。平緬。悉降。敵梁王春屬及威順王子伯土于京都。凡三百餘人。頃之。烏撒諸蠻復叛。會右副將軍英進擊。而使指揮顧成搗西堡。破之。斬首三萬餘。獲馬牛羊十餘萬。縱兵搜山谷。無脫者。靄翠者最強。亦降雲南。

悉平。上前後下。覆書凡數十。懸斷萬里外。曲中友德等奉
行。無所闕。以是功成。十六年。元普顏篤先不花據鄧州。復
殺友德。自七里關回軍大理。平之。攻北勝麗江。前後斬首
萬三千餘級。因土俗定租賦。興學校。墜戰骨。廣屯田。設冥
諸司。事大定。詔友德等還京。獨留右副將軍英填之。進封
友德額國公。食祿歲三千石。子誥及世券。加賜米千五百
石。追封三代。曾祖守善。祖父榮。皆公爵。友德隨以征。酋
左副將軍同大將軍勝北。襲酋納哈。出于金山。盡降其衆。
大將軍以禮召歸。留友德撫降酋。尋亦召還。討平廣西之
韃靼反者。時東川童復叛。以征南將軍往討之。并討越州。

之叛首阿資、諸苗悉定。尋赴北平練卒，從燕王出古北口。
龔元太尉乃見不花，丞相交住等降之，悉收其部落。踰黑
山，至鍊子海，窮熊皮山而還。召歸，賜還鄉誥，懷遠四千畝。
止之。友德慙而退，後往以將軍出練兵備邊。及屯
公侯在事者悉聽節制。進兼太子太師，當享善長，賜死
後，上親撰勲臣榜于友德名下，歷數其功。一云有初謀善
戰，又云取荆楚吳越，下中原，見其能。又云下滇蜀，征金山。
建功列十五人之中。或云京國蓋玉誅，友德以功名內傾。
定遠侯王弼謂友德上春秋高，行旦夕，盡我輩矣。上聞之，
會慶成宴，以子讓時為金吾所鎮撫，不佩囊，上以為慢封。

劄賜友德友德并受詔即使者前斬之使者以聞上說曰
無術我子友德懼自剄朝門外二十七年十一月也後蜀
亦以事賜死至和光中追贈濠國公謚武威上怒友德不
解分獲家屬極邊長子讓官鎮撫次子孝錦衣三子忠尚
壽春公主浚和治六年晉王以友德玄孫瑛請比例授錦
衣以奉先祀謂友德嘗有女為晉王妃瑛隨親看守坟墓
中詔不許嘉靖元年雲南巡撫奏潁國公友德宣德庚
金朝興汝南侯梅思祖皆雲南開疆之臣請五祠合祭詔
許之弘光中追贈友德特進光祿大夫左柱國鹿江王謚
武靖附享功臣廟以意測其像云當時隨征定蜀景川侯

曹震治永寧江下瀘州難積百十有功蜀人至今並祠之
或曰崇禎中總督傅宗龍治賊陣死項城為麗江之役宗

龍自有傳

論曰。穎國身先陷陣。多創傷。而智計每出意外。且奉行
廟算。委合無失。其所以居功較宗。國恭遜為多。至其
議平荊。平蜀。平鹵。皆道大將軍一等。寔錄尊稱。上畫而
廟碑云。自穎國奏議。大滇。噶。大塊。拱手。歸職。方共何等
功。乃不免。王定遠之一言哉。子讓。預慶成。不被囊。何便
賜劍。而以叩我為辭。皇太子得孺子教我之一言。輒慄且死。
何況功臣。穎國自引深慮不測。然帝意或不即死。穎國

或曰友德庶先中山中山讓第而穎國請曰矣請曰
法不至死也寔錄書賜友德第鳳陽繼書友德卒科臣
李清嘗為友德逸傳辨七首袖中之訛遂援賜第閉門
致飢以死以為與寔錄相近夫無辭而輒坐殊勲以臺
城故事詭法任詐名曰非刑豈聖朝而出於此帝晚年
性煩急為後慮繩世爵以禮過甚穎國自裁或有然也
世廟中遼東御史鑰雲南給事中良弼為友德後
考非真有後或自瑛而宗龍祖瑛不可知

